

www.BibleForChildren.org


Ore i mexũ ga Matéu ümatüxũ 8



Rü yexguma marü tomaepüx ga ngunexũ
Gariréaaneärü ĩane ga Canáwa nayexmagu ga
Ngechuchu, rü nayexma ga wüxi ga ngĩarü peta. Rü
yemawa ngĩxna naxugü ga naé ga Ngechuchu. Rü
Ngechuchuna naxugüe namaxã ga norü ngúexũgü nax
yéma naxĩxũcax.



Rü nagux ga norü axexũ ga bínu. Rü Ngechuchu naé ngĩgürügü nüxũ ga Ngechuchu: —Marü nagúarü bínuãxgü — ngĩgürügü. Natürü ga ngĩma ga naé rü ngĩgürügü nüxũ ga yema baegüxũ namaxã ga bínuchíü: —¡Penaxüx i guxũma i ngẽma nüma pemaxã nüxũ yaxuxũ! — ngĩgürügü.



Rü Ngechuchu rü yema baegüxũ namu,
rü ñanagürü: —¡Dexámaxã ngĩxũ
pixügüãcu i ñaa tũxügü! — ñanagürü. Rü
nümagü ga yema baegüxũ rü meama
ngĩxũ nixügüãcu.



Rü Ngechuchu ñanagürü nüxũ: —Rü
ñuxma chanaxwaxe i íxraxũ peyaxu, rü
petaarü yoraxũtawa penange — ñanagürü.
Rü yemaacü nanaxügü ga yema baegüxũ.



Rü yema petaarü yora nüxũ naxaxneta ga yema dexá
ga bínuxũ nanguxuchixũ. Natürü tama nüxũ nacuaḡ nax
ngextá nayauxgüãxũ. Rü
yema baegüxũxicatama
nixĩ ga nüxũ cuaxgüxũ ga
dexámare nax yixĩxũ ga
noxrix. Rü yexgumatama
ga yema petaarü yora
rü yema yatü ga
ingĩxũcaḡ naca.



Rü ñanagürü nüxũ: —Guxũ i naanewa rü duũxũgü rü
noxri rü namaxã nabae ya mecü ya bínu. Rü ngẽxguma
marü meama guxũma axegügu
i ngẽma nüxna naxuxũ, rü
ngẽma wena rü nüxna
nanaxã ya
ngexcürüücümare yabínu.
Natürü i cuma rü marü
nagúxchaũgu i
peta, rü mexẽchicü
ya bínnumaxãtama
cuyaxaxegüxẽxẽ
i duũxũgü —
ñanagürü.



Rü guma Gariréaanewa yexmane ga ñane ga Canáwa
nixĩ ga yema naxüxũ ga Ngechuchu. Rü
yema nixĩ ga nüxíraxũxũ ga
cuaxruxũ ga Tupanaarũ
poramaxã üxũ ga nawa
nügü inawéxũ ga Tupana
Nane nax yixĩxũ.




Rü nüma ga norü ngúexũgü rü nüxũ
nayahõgü.



Rü Pedrupatawa naxũ ga Ngechuchu.
Rü yéma ngĩxũ nadau ga Pedru naxẽ
ga ngürücaregu cacü yerü iyaxaxũne.



Rü Ngechuchu ngĩmexgu ningõgü, rü yexgumatama
igauxãchi ga yema nax yaxaxũnexũ. Rü írüda ga
ngĩmax. Rü ñuxũchi naxcax inamexẽxẽ ga õna.




Rü yexguma marü yanaxücu_xgu ga üa_xcü nax
nachütaxü, rü Ngechuchuxütawa nanagagü ga guxüma
ga duüxügü ga
ida_xaweexü rü yema
ingo_xoã_xgüxü. Rü
guxüma ga yema
ĩanecüã_x rü yexma
gumá ĩpataarü ĩã_xgu
naxca_x
nangutaque_xegü.



Rü nüma nanameexẽxẽ ga muxũma ga duũxũgũ ga
naguxũraũxũ ga daxawemaxã idaxaweexũ. Rü
ínanawoxũ ga muxũma ga ngoxogũ, natürü nüxna
nanachuxu nax yadexagũxũ, yerü nümagũ ga ngoxogũ
rü nüxũ nacuaxgũ nax texé yixĩxũ ga nümax.



Rü guxũma ga duũxũgũ rü Ngechuchuxũ
ningõgũgũchaũ, yerũ nawa ixũxũxũ ga poramaxã
nanameexẽxẽ.



Rü yéma nangugü ga ägümücü ga yatügü, rü yéma
Ngechuchucaḁ nanangetaügü ga wüxi ga
nawãixãchicü.



Natürü namuxûchi ga duũxũgü, rü
taxucürüwama Ngechuchuxũtawa
nangugü. Rü yemacaḡ ínanapogüétü
ga gumá ĩpata ga Ngechuchu íyexmaxũwa.
Rü yéma norü caruxũgu
ínanachüxüxüetaũgü
ga gumá
nawãixãchicü.



Rü yexguma Ngechuchu nüxũ dauxgu nax aixcũma
yaxõgũãxũ ga yema duũxũgũ
ga yéma nangetaũgũxũ,
rü ñanagürü nüxũ ga gumá
nawãixãchicũ: —Pa
Chaunex, curũ
pecadugũ rü marũ
cuxũ nüxũ charüngũma
— ñanagürü.



Natürü ñuxma rü tá pexũ nüxũ chadauxẽxẽ nax Tupana
Nane ya duũxũxũ ixĩcũ,
rü nüxũ nangẽxma i pora
nax duũxũgüaxũ nüxũ
iyanangümaxũ i norü
pecadugü
— ñanagürü. Rũ
ñuxũchi gumá
nawãixãchicũxũ
ñanagürü:
—Cumaxã nüxũ chixu
rü jinachi, rü nayaxu i
curü caruxũ, rü
cupatawa naxũ!
— ñanagürü.



Rü yexguma ga Ngechuchu rü wüxi ga nguegu nixüe.
Rü norü ngúexũgü rü ta
ínayaxümücügü, rü inaxĩãchi.
Rü ngürüãchi naxtaxaarü
ngãxütügu nuxũ naxú ga
wüxi ga buanecü ga
taxüchicü. Rü gumá nguewa
rü niyaucuchichigü ga
dexá. Natürü ga
Ngechuchu rü
nape.



Rü Ngechuchu nanangãxũ, rü ñanagürü nüxũ: —Pa
Duũxũgü i Tama Aixcüma Yaxõgüxũx, ¿tüxcüũ
pemuũe? — ñanagürü. Rü yexguma ga Ngechuchu rü
ínarüda, rü buanecüna rü yuapena nachogü. Rü
ínayachaxãchi ga buanecü,
rü inayarüxo ga yuape, rü
ínachaxanemare. Rü
nümagü ga norü
ngúexũgü rü
nabaixãchiãëgü, rü

nügümaxã ñanagürügü:
—¿Taxacü ëxna nixĩ i ñaa
yatü rü woo ya buanecü rü
yuape rü naga naxĩnüexũ?
— ñanagürügü.



Rü Tupana rü
poraãcũ nũxũ
nangechaũ i ñoma i naanecũãx i
duũxũgũ. Rü yemaca_x inanamu ga Nane
ga nũgũmaxã wũxicacũ nax guxãma ya
texé ya nũxũ yaxõgũxe rü tama
itarũtauxexũca_x rü tũxũ
nangẽxmaxũca_x i maxũ
i taguma gũxũ.



Popera ga Rómawa yexmagüxü ga yaxögüxütanüwa
namuxü ga Pauru 3:23 Rü guxãma rü pecadu taxü rü
ngẽmacax nüxna tayáxügugü ya Tupana ya üü necü.

Popera ga Rómawa yexmagüxü ga yaxögüxütanüwa
namuxü ga Pauru 6:23 Rü natanü i ngẽma pecadu tüxna
ãxü, rü yu nixĩ. Natürü ngẽma ãmare ya Tupana tüxna ãxü
rü maxü i taguma guxü nixĩ i ngẽxguma tórü Cori
ya Ngechuchuaxü yaxögügu.

Popera ga Yudíugü ga yaxögüxücax ümatüxü 9:27 Rü
ngẽxgumarüxü nax wüxicanatama nayuexü i duüxügü rü
ngẽmawena Tupana tá nüxü nicagü, rü yexgumarüütama
ga Cristu rü wüxicanatama nügü inaxã rü nayu nax
naxütanüxücax i muxüma i duüxügüarü pecadugü. Rü
nüma ya Cristu rü wena tá núma naxü, natürü tama
pecaduarü ütanüwa. Rü tá núma naxü nax
namaxẽxẽãxücax i guxüma i duüxügü
i aixcüma ínanguxuxẽëgüxü.



Popera ga Epéchiuwa yexmagüxü ga yaxõgüxütanüwa
namuxü ga Pauru 2:8,9 Rü Tupanaarü ngechaügagu
penayaxu i maxü i taguma gúxü yerü peyaxõgü. Rü ngëma
maxü rü tama pegünatama penaxã, natürü Tupana nixĩ ga
pexna naxãmarecü ga yema. Rü tama taxacü i mexü i
pexüxügagu nixĩ i pexü nangëxmaxü i ngëma maxü, natürü
Tupana nixĩ ya pexna naxãmarecü nax ngëmaãcü
taxúema tügü icuaxüxücax.

Popera ga Rómawa yexmagüxü ga yaxõgüxütanüwa
namuxü ga Pauru 10:9,10 Erü ngëxguma cuaxmaxã nüxü
quixuxgu nax curü Cori yixixü ya Ngechuchu, rü ngëxguma
cuyaxõxgu nax yuwa Tupana ínadxëxü, rü tá cuxü
nangëxma i maxü i taguma gúxü. Erü ngëxguma
Ngechuchuaxü yaxõgügu nixĩ nax Tupanapexewa imexü.
Rü taaxmaxã nüxü tixu nax tórü Cori yixixü ya Ngechuchu,
nax ngëmaãcü nayaxuxücax i maxü i taguma gúxü.



Ore i mexũ ga Cuáũ ümatũxũ 3:16,17 Rũ Tupana rũ poraãcü nüxũ nangechaũ i ñoma i naanecüãx i duũxũgũ. Rũ yemaca_x inanamu ga Nane ga nügũmaxã wüxicacũ nax guxãma ya texé ya nüxũ yaxõgũxe rũ tama itarũtauxexũca_x rũ tüxũ nangẽxmaxũca_x i maxũ i taguma gúxũ. Yerũ ga Tupana rũ tama ñoma ga naanewa nanamu ga Nane nax poxcu duũxũgũmaxã naxueguxũca_x. Natürũ núma nanamu ga Nane nax duũxũgũxũ namaxẽxẽxũca_x.

Nüxíraxũxũ ga popera ga Cuáũ ümatũxũ 5:11-13 Rũ yema Tupana nüxũ ixuxũ ga ore nixĩ nax nüma rũ tüxna naxããxũ i maxũ i taguma gúxũ. Rũ ngẽma maxũ i tüxna naxãxũ rũ Nanegagu tüxũ nangẽxma. Yíxema nüxũ yaxõxe ya Tupana Nane rũ tüxũ nangẽxma i ngẽma maxũ i taguma gúxũ. Natürũ yíxema tama nüxũ yaxõxe ya yimá Tupana Nane rũ tama tüxũ nangẽxma i ngẽma maxũ. Pa Chauenexẽgũx ya Tupana Naneaxũ Yaxõgũxex, pexca_x chanaxümatũ i ñaa ore nax nüxũ pecuáxũca_x nax pexũ nangẽxmaxũ i maxũ i taguma gúxũ.



Ore i mexũ ga Matéu ümatüxũ 8-9; Ore i mexũ ga
Márcu ümatüxũ 1-2, 4; Ore i mexũ ga Luca
ümatüxũ 4, 8; Ore i mexũ ga Cuáũ ümatüxũ 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Ticuna Bible (tca) © 2022, Wycliffe Bible Translators, Inc. All
rights reserved.

<https://www.bible.com/bible/289/GEN.1.TCAP>

©2025 Bible for Children, Inc.

www.M1914.org

www.bibleforchildren.org

